

- Perkara Adil di Atas Beristeri Lebih Dari Satu -

Ahli-ahli agama yang hendak mengadakan peraturan-peraturan hukuman negeri atas perkara beristeri lebih daripada satu diminta memerhatikan rencana ini

* * *

Majlis Raja-raja Melayu, telah melantik satu jawatankuasa mengenai usaha hendak mengadakan satu Rang Undang-undang yang bersangkutan di dalam perkara nikah kahwin terutamanya di dalam perkara mengenai cerai dan kahwin lebih daripada satu. Perkara cerai, ada disiarkan di dalam lain tajuk di dalam keluaran ini. Di sini dibawa perkara mengenai dengan adil yang dikehendaki oleh syarak sebagai sambungan makalah saya yang disiarkan di dalam Qalam yang lalu.

Di Singapura diadakan peraturan bahawa tidak diluluskan seseorang yang ada isterinya berkahwin lagi melainkan dia mendapat izin daripada isterinya bahkan khabarnya tidak di situ sahaja tetapi walau-pun isteri memberi kelulusan, kelulusan itu tidak diterima dikecualikan kalau (1) si isteri telah terlampau sangat tua. (2) Gila dan (3) berpenyakit yang menegah untuk *diwaṭī*. Di Selangor pula tidak dibenarkan seseorang yang ada isteri kahwin lagi melainkan dengan ada syarat-syarat yang ketat dikenakan.

(Oleh: Abdullah bin Hamid al-Edrus)

Di dalam makalah saya dalam keluaran Qalam yang lalu,

Berdasarkan kepada ayat 3 surah al-Nisā'

saya telah membawa perhatian pembaca-pembaca kepada persoalan-persoalan

ertinya: Maka nikahilah oleh kamu akan perempuan-perempuan yang baik

kahwin lebih daripada satu, yang disuruh dan dijalankan

bagi kamu, dua, tiga dan empat, jika kamu takut

di dalam zaman Nabi. Di dalam itu zahir dan nyata bahawa

bahawa kamu tidak berlaku adil maka kahwinlah

perkahwinan di antara seorang suami dan isteri

seorang sahaja.

itu adalah digantung sebagai menuaikan sunnah Nabi,

Berdasarkan kepada ayat ini lalu orang-orang yang membenci

untuk menjauhkan seseorang daripada melakukan zina

beristeri lebih daripada satu mencari jalan mengetatkan

dan membuat perkerjaan-pekerjaan yang *'āṣī*.

peraturan-peraturan, seperti peraturan-peraturan orang-orang Kristian,

Untuk ini agama meluluskan boleh seseorang

supaya dikuatkuasakan oleh negeri, bahawa hukuman

pemeluk agama Islam berkahwin hingga empat tetapi

beristeri satu sahaja dijalankan – sekalipun

dengan dianjurkan sekiranya mereka berasa tidak dapat

diberi satu dua kecualian sedang kecualian itu

berlaku adil maka adalah lebih molek mereka berkahwin

tidak dapat digunakan dikecualikan di atas sesuatu

hanya satu sahaja.

hal yang keadaannya istimewa.

Mereka memberi pendapat bahawa seseorang suami tidak akan dapat berlaku adil kepada isteri-isterinya sebab itulah patut dikuatkuasakan peraturan-peraturan yang menyekat dalam berkahwin lebih daripada satu itu seperti yang sudah dijalankan peraturannya di Singapura dan di Selangor itu.

Anjuran Tuhan dengan ((Jika kamu takut bahawa kamu tidak berlaku adil maka kahwinlah seorang sahaja)), itu dilupakan pula oleh mereka bahawa ayat itu ditafsirkan pula dengan satu ayat yang menunjukkan bahawa seseorang hamba-Nya tidak akan dapat melakukan keadilan kepada isteri-isteri mereka sekalipun mereka mencuba berbuat begitu. Dan ini diterangkan Allah dengan suatu peringatan yang maksudnya seolah-olah meluluskan yang demikian dengan diperingatkan janganlah tiap-tiap seorang itu sangat-sangat cenderung kepada satu pihak sahaja dengan meninggalkan satu pihak lagi seperti yang tersebut di dalam firman Allah di dalam surat al-Nisā' ayat 129 yang maksudnya:

“Dan kamu tidak akan boleh (berbuat) adil di antara perempuan-perempuan (isteri-isteri) kamu, sekalipun kamu loba (hendak) akannya. Oleh itu janganlah kamu cenderung secondong-condongnya hingga kamu tinggalkan seorang perempuan sebagai satu benda yang tergantung....”

Ayat ini sebagai satu hujah yang nyata menunjukkan bahawa Tuhan sangat mengetahui akan apa yang tidak diketahui oleh manusia. Walau bagaimanapun mereka cuba hendak berbuat adil kepada isteri-isterinya dengan kadar kemampuannya di dalam pembahagian yang bersifat dunia (benda dan pemberian) namun di dalam cinta dan kasih mereka tidak

dapat membuatnya. Kerana itu Allah mengingatkan, sungguhpun di dalam perasaan cinta dan kasih mereka tidak dapat melakukannya (menyamakannya) namun begitu janganlah sekali-sekali mereka lalu meninggalkan (tidak ambil endah) kepada yang lain-lain yang kurang dikasihi dan dicintainya.

Ayat ini ditafsirkan pula oleh hadith Nabi yang menyatakan bahawa baginda Rasulullah sendiri mengakui bahawa baginda tidak dapat melakukan perbuatan menyamakan kasih di antara isteri-isteri baginda dengan sabda baginda (yang maksudnya):

“Ya Tuhanku inilah keadilanku dalam pembahagian apa yang aku miliki, maka janganlah Engkau persalahkan aku dalam perkara yang aku tidak miliki.”

Manusia boleh membahagikan benda-benda yang mereka kuasai seperti pemberian, giliran dan seumpamanya tetapi manusia tidak dapat menguasai perasaan hatinya dan hasrat hatinya. Ini menjadi hujah bahawa “keadilan” yang dikehendaki itu tidak menjadi suatu *māni'* yang menahan atau menegah seseorang beristeri lebih daripada satu.

Apakah menegah beristeri lebih daripada satu itu bermakna akan lebih bermanfaat daripada kelulusan-kelulusan yang membenarkan beristeri lebih daripada satu? Banyak kita lihat orang yang tidak puas hati duduk di rumahnya dan hidup dengan isterinya yang ada. Kerana diikat lalu keluarlah ia mencari kawan yang bakal melipurkan hatinya sehingga dengan berkawan-kawan itu melanggar batas terkadang-kadang bukannya sahaja kepada dara atau janda terkadang-tergamacam membawa isteri orang atau isteri kawan dan sahabat sendiri untuk “menyenangkan” hatinya. Adakah ini lebih baik daripada beristeri lagi yang dihalalkan oleh agama?

Perkara Adil Di Atas Beristeri

Lebih Dari Satu

Sambungan dari muka 5

Adil Di Dalam Hukum Syarak

Ada baiknya pembaca-pembaca di sini dibawa memerhatikan apa keadilan yang dikehendaki oleh syarak terhadap kepada isteri-isteri seseorang.

Di dalam kitab (*(al-Fiqh 'alā al-madhāhib al-arba'ah)*) (Kitab Fikah Empat Mazhab) menerangkan keadilan yang diwajibkan kepada suami terhadap isteri-isterinya ialah dalam perkara giliran bermalam sahaja. Adapun tentang nafkah makan minum, pakaian dan tempat tinggal maka tidaklah ia diwajibkan menyamakan mereka dalam pemberian nafkah itu, bahkan wajib ia memberikan tiap-tiap seseorang dari antara mereka yang selayak dengannya yang bersesuaian dengan hal keadaannya (isteri yang kaya sesuai dengan keadaannya dan isteri yang miskin sesuai dengan keadaannya – P.).

Suami tidak diharuskan berlaku tidak adil terhadap seseorang dari isterinya-isterinya menurut kewajipan yang tersebut, iaitu sekira-kira jika ia kurangkan nafkah seseorang isterinya dari nafkah isterinya yang lain yang sama keadaannya maka itu adalah haram. Kemudian setelah ia memberikan tiap-tiap seorang isterinya akan nafkahnya yang layak dengan keadaannya, maka harus baginya melebihkan isterinya yang lain dengan pemberian yang ia sukai, kerana ia dalam hal ini menjadi pemberi secara sukarela, tetapi hendaklah ia memikirkan kesan-kesan buruk yang harus akan timbul disebabkan perbuatan itu. Kalau perbuatannya

yang demikian membawa kepada perbalahan dan perasaan dendam dalam kalangan keluarga, dan menumbuhkan rasa benci-mbenci dan permusuhan di antara anak-anaknya yang berlain-lain ibu, maka ia tidaklah harus berbuat demikian tetapi jika perbuatannya itu tidak menimbulkan keburukan-keburukan yang tersebut maka haruslah ia melakukannya.

Dalam soal ini, pihak Hanafi mempunyai dua pendapat. Setengahnya memandang bahawa yang muktabar dalam perkara nafkah ialah hal keadaan suami, dengan tidak memandang kepada isteri-isterinya. Oleh itu wajiblah suami menyamakan isteri-isterinya dalam pemberian nafkah juga. Yang dimaksudkan dengan nafkah ialah meliputi makan minum, pakaian dan tempat tinggal. Setengahnya yang lain pula mengatakan: Bahawa yang muktabar dalam perkara nafkah ialah hal keadaan suami isteri bersama. Oleh itu hendaklah nafkah itu ditimbangkan menurut kemampuan suami, kemudian dibahagikan kepada mereka (isteri-isterinya) menurut hal keadaan mereka, isteri yang miskin diberikan kurang dari isteri yang kaya. Jadi, perasaan tidaklah tertuntut sama sekali.

Kalau pula ia menyamakan mereka dengan keredaan maka itu eloklah. Jika tidak, hendaklah ia menimbangkan nafkah bagi isterinya yang kaya lebih banyak dari isteri yang miskin. Inilah *qawl* yang muktamad (dalam Mazhab Hanafi) dan di atasnyalah fatwa dikeluarkan. Dengan itu tidak ada perbezaan di antara Mazhab Hanafi dengan mazhab-mazhab yang lain (dalam soal ini), kerana tujuan yang utama ialah hendak menjauhkan perbuatan yang tidak adil, dan memberikan tiap-tiap seorang isteri akan haknya yang layak dengan keadaannya (tentang kayanya atau miskinnya) dengan tidak berlaku zalim, dan apabila telah diberikan kepada tiap-tiap

Mesing isteri akan haknya (yang layak dengan keadaannya), maka si suami itu bebaslah ia untuk menambahkan pemberiannya kepada mana-mana isteri yang dikehendakinya.

Mazhab Mālikī juga mempunyai dua pendapat dalam soal tambahan nafkah ini. Kalau tiap-tiap seorang isteri diberikan nafkahnya yang layak dengan keadaannya, kemudian si suami memberikan tambahan kepada salah seorang isterinya, maka ada *qawl* mengatakan sah, dan ada pula *qawl* yang lain mengatakan tidak. Tetapi yang muktamad ialah *qawl* yang mengatakan sah, dan inilah *qawl* yang terkenal dalam Mazhab Mālikī.

Hukum Keadilan Suami Dalilnya dan Syarat-syaratnya

Keadilan suami yang tersebut adalah wajib. Oleh itu adalah diwajibkan atas tiap-tiap seorang suami yang sempurna syarat-syarat yang akan disebutkan di bawah ini, supaya ia membahagikan malam giliran di antara isteri-isterinya. Dalilnya tentang ini ialah firman Allah Ta‘ālā:

((*Fa in khiftum allā ta‘dilū fa wāhidah*))

Ertinya: ((Jika kamu takut bahawa kamu tidak dapat berlaku adil, maka kahwinlah kamu seorang sahaja.))

Allah *Subḥānahu wa Ta‘ālā* telah memerintahkan supaya berpada dengan seorang isteri sahaja ketika seseorang suami itu takut tidak dapat berlaku adil. Ini menjadi dalil bahawa melakukan keadilan adalah wajib, baik kita berkata: bahawa berpada dengan seorang isteri apakala takut tidak dapat berlaku adil itu wajib, atau kita berkata: perkara itu sunat.

Adapun yang pertama itu maka teranglah ia, kerana kalau hanya disebabkan perasaan takut tidak dapat berlaku

adil di antara dua orang isteri menjadikan perbuatan menyatukan keduanya (berkahwin dua) itu haram, maka sudah tentu berlaku adil terhadap keduanya adalah wajib, tentang yang kedua pula, ialah kalau hanya disebabkan perasaan takut tidak dapat berlaku adil menjadikan perbuatan menyatukan beberapa orang isteri (berbilang isteri) itu makruh, maka berlaku adil terhadap mereka adalah wajib, oleh sebab perkara yang ditakuti meninggalkannya oleh seseorang mukalaf ialah perkara yang wajib. Kalau mendirikan keadilan di antara mereka (isteri-isteri) itu sunat, tentulah tidak siapa-siapa yang akan takut meninggalkannya, kerana manusia itu takut kepada balasan seksa, sedang perkara yang sunat (jika ditinggalkan) tidak ada balasan seksa atasnya.

Syarat-syaratnya

Adapun syarat-syaratnya ialah tiga perkara: Pertama berakal. Suami yang gila tidak diwajibkan berlaku adil terhadap isteri-isterinya. Adapun isteri yang gila, maka wajiblah atas suaminya berlaku adil kepadanya, kalau ia tenang tenteram dan tinggal dalam rumah suaminya sehingga mudah disetubuhi. Jika tidak, maka tidaklah wajib.

Kedua, hendaklah suami itu hampir-hampir baligh, (menurut Mazhab Mālikī: Hendaklah ia baligh) kalau ia masih kanak-kanak maka tidaklah diwajibkan berlaku adil. Demikian pula isteri yang masih kecil dan tidak layak disetubuhi maka tidaklah wajib atas suaminya berlaku adil kepadanya.

Keadilan suami tidak dapat digugurkan oleh suatu sebab yang menghalangi persetubuhan, baik halangan

itu sedia ada pada diri perempuan itu seperti haid atau nifas, atau tumbuh sesuatu dalam kemaluannya atau sesuatu penyakit, mahupun halangan itu sedia ada pada diri lelaki, seperti terpotong kemaluannya, atau terlalu kecil (menyalahi keadaan tabii) atau kerana sesuatu penyakit. Kerana tujuan bermalam di rumah seorang isteri ialah untuk meneman dan melipurnya bukan untuk bersetubuh dengannya. Memang telah sedia diketahui bahawa bersetubuh itu tidaklah lazim. Oleh itu, jika ia (suami) sakit dan tidak dapat berpindah dari sebuah rumah ke rumah yang lain, hendaklah ia tinggal dirawat di rumah mana-mana isteri yang disukai.

Masalah Tidak Wajib Tentang Perasaan Kasih Sayang

Sebagaimana persamaan tidak diwajibkan di dalam nafkah, maka ia juga tidak diwajibkan dalam perkara bersetubuh dan kecenderungan hati. Kerana yang demikian itu bukanlah dari ikhtiar manusia, tetapi ia mengikut keadaan tabii. Harus perasaan syahwatnya timbul kepada salah seorang isterinya, tidak kepada isterinya yang lain. Harus pula hatinya tersangkut kepada salah seorang isterinya dengan tidak disedari. Yang demikian ini ialah makna yang terkandung di dalam firman Allah Ta'āla:

“Wa lan tastaṭī‘ū an ta‘dilū bayna al-nisā‘i wa law ḥarāṣtum fa lā tamīlū kulla al-mayl.”

Ertinya: “Dan kamu tidak sekali-kali akan dapat berlaku adil terhadap perempuan-perempuan, walaupun kamu bersungguh-sungguh hendak melakukannya. Oleh itu, janganlah kamu condong secondong-condongnya (menurut perasaan kasih sayang kamu kepada seseorang isteri dengan membiarkan yang lain tidak merupakan isteri lagi).

Maksudnya menafikan kesanggupan yang tidak termasuk dalam ikhtiar manusia dari perasaan kasih sayang dan kesan-kesan yang timbul daripadanya dalam menikmati seorang isteri. Adapun perkara-perkara yang lain daripada itu tentang berlaku adil pada pembahagian malam giliran dan memberikan tiap-tiap seorang isteri akan nafkahnya yang layak dengan keadaan isteri itu, dengan tidak berlaku aniaya, maka yang demikian dapat dilakukan oleh tiap-tiap seseorang suami. Oleh sebab itu Rasulullah *ṣallā Allāhu ‘alayhi wa sallam* sentiasa berhati-hati ketika menjalankan keadilan di antara isteri-isteri baginda dalam perkara ini dan bersabda:

“Allāhuma inna hadhā qasmī fī mā amliku fa lā talumīnī fī mā tamliku wa lā amlik.”

Ertinya: “Ya Tuhanku inilah keadilanku dalam pembahagian apa yang aku miliki, maka janganlah Engkau persalahkan aku dalam perkara yang aku tidak miliki.”

Tetapi ini tidak bermakna bahawa suami membiarkan salah seorang isterinya dengan tidak disetubuhi dan mendedahkannya kepada kerosakan, kerana kalau ia berlaku demikian maka ia telah berdosa, bahkan adalah menjadi wajib bagi suami supaya terkawal kehormatan isterinya dan menjauhkan dia daripada tertarik kepada lelaki lain. Kalau ia tidak sanggup memberi nafkah batin kepada isterinya maka wajiblah ia melepaskannya (menceraikannya) dengan cara yang baik.

Dalam pada itu adakah si isteri berhak menuntut (nafkah batin) supaya ia terkawal kehormatannya?

Demikian juga adakah si isteri berhak mengadu tentang ia terlalu banyak digunakan oleh suaminya jika perbuatan itu membahayakannya?

Adakah kadi berhak menentukan masanya atau tidak

Perkara ini telah dihuraikan oleh mazhab-mazhab seperti berikut:

Mazhab Ḥanafī – berkata: Jika seorang lelaki berkahwin dengan seorang perempuan tetapi tidak bermalam dengannya kerana ia sibuk beribadah, atau sibuk kerana perkara-perkara lain, maka isterinya berhak menuntut supaya suaminya bermalam di rumahnya, tetapi tidak ditentukan masanya dalam seminggu bahkan kadi memerintahkan supaya ia (suami) tidur di rumah isterinya itu dan menemaninya dari semasa ke semasa, sekira-kira isterinya itu tidak terasa ia ditinggalkan dalam suatu masa yang lanjut.

Si suami juga tertuntut memberi nafkah batin kepada isterinya supaya terkawal kehormatannya. Kalau si isteri mengadu kerana terlampaui banyak disetubuh oleh suaminya maka kadi hendaklah memerintahkan suaminya supaya si isteri disetubuh sekadar kemampuannya.

Mazhab Mālikī – berkata: Perkara bersetubuh terpulang kepada suami menurut tabiat dan kemahuannya. Ia tidak boleh diberati supaya bersetubuh dengan salah seorang isterinya sebanyak mana ia bersetubuh dengan isterinya yang lain, tetapi dengan syarat supaya ia jangan sengaja menjauahkan diri dari isterinya itu kerana memelihara tenaganya yang bakal digunakan kepada isterinya yang lain. Kalau ia berada di rumah salah seorang isterinya pada malam giliran dan didapati dirinya bernafsu untuk bersetubuh tetapi ia menahan diri untuk memelihara tenaga yang bakal digunakan kepada isterinya yang lain, yang lebih cantik, misalnya, maka yang demikian itu adalah haram.

Kalau suami itu mempunyai seorang isteri sahaja, lalu dibiarkannya tidak disetubuh, dan perempuan

itu mengadu kepada kadi, maka kadi akan menetapkan satu malam dari tiap-tiap empat malam untuknya, kerana si suami boleh berkahwin tiga perempuan lagi.

Kalau pula si suami mengadu tentang terlalu kurang dapat bersetubuh dengan isterinya, atau si isteri mengadu tentang terlalu banyak ia disetubuh oleh suaminya, maka kadi boleh menjatuhkan hukum supaya si isteri itu disetubuh sekadar kesanggupannya.

Mazhab Ḥanbalī – berkata: Tidak wajib bagi seorang suami untuk menyamakan isteri-isterinya dalam perkara persetubuhan dan pendahuluannya seperti pegang, cium dan sebagainya. Sebagaimana juga tidak wajib atasnya untuk menyamakan isteri-isterinya dalam pemberian nafkah, pakaian dan nafsu syahwat, sekira-kira ia bernafsu kepada isterinya itu sebagaimana nafsunya terhadap isterinya yang lain. Dalam pada itu, suami diwajibkan – jika tidak uzur – supaya bersetubuh dengan isterinya empat bulan sekali, sekurang-kurangnya. Jika suami tidak sanggup bersetubuh dengan isterinya dalam masa yang tersebut, maka kadi hendaklah menceraikan keduanya.

Mazhab Shāfi‘ī – berkata: Suami tidak diwajibkan supaya menyamakan isteri-isterinya dalam perkara persetubuhan dan dalam perkara yang menjadi pendahuluannya. Tidak juga dalam perkara pakaian dan nafkah. Bahkan hendaklah ia memberikan kepada tiap-tiap seorang isterinya akan nafkah yang bersesuaian dengan keadaan si isteri itu, yang tertuntut ia memberikannya. Selain dari itu tidaklah ia diwajibkan melakukan keadilan di dalamnya, hanyalah disunatkan sahaja.

Si isteri pula tidak berhak menuntut supaya disetubuh oleh suaminya, kerana yang demikian ialah hak

si suami sahaja. Tetapi ini tidak pula menafikan bahawa si isteri berhak menuntut fasakh jika suaminya terpotong alat kemaluannya, walaupun terpotong kemudian daripada ia bersetubuh dengannya. Demikian juga kalau alat kemaluan si suami itu terlalu kecil (tidak sempurna tumbuhnya) sebelum ia bersetubuh dengannya.

Sekian yang diterangkan.

Dengan apa yang tersebut ini semoga diperhatikan

oleh seluruh umat supaya jangan kelak kita membuat sesuatu undang-undang yang melawan atau bertentangan dengan apa yang telah diluluskan oleh syarak. Saya yakin bahawa umat Islam tidak reda atas sesuatu hukuman yang dibuat sebagai pindaan kepada hukuman Allah dan Rasul-Nya. Hukuman Allah dan Rasul-Nya sahaja yang patut mereka terutamanya bagi mengawal atas kebersihan diri seseorang.



Hukum Kristian?

Sebuah iklan istimewa telah tersiar di dalam harian Utusan Melayu 20 Ogos 1962

yang bunyinya:

((Ummu Kalsum binti Muhammad Yusuf, hendaklah hadir di Mahkamah Syariah, Fort Canning Road,

Singapura, pada 24.8.62 jam 10 pagi kerana Saini bin Mahmud menuntut cerai. Jika tidak

hadir mahkamah akan menjalankan perbicaraannya)).

Hak talak adalah di dalam tangan seorang suami. Ia tidak boleh ditahan daripada mengugurkan

talaknya oleh sesiapa pun sesekalipun ia akan bertanggungjawab atas perbuatannya. Kerana itu

iklan ini ganjil, mengikut pengertian orang-orang Islam.

Harus boleh jadi Mahkamah Syariah Singapura mengeluarkan iklan ini kerana menjalankan

peraturan mahkamah bahawa talak tidak boleh dijatuhkan melainkan dengan persetujuan isteri.

Cara ini tidak ada di dalam syarak Islam, dan barangkali harus boleh jadi mengikut cara atau

peraturan lain dan boleh jadi juga peraturan ini seperti peraturan Kristian.

Kerana itu harus ada orang yang akan bertanya: Apakah Mahkamah Syariah Singapura menjalankan

peraturannya dengan peraturan Islam atau peraturan Kristian?

Pulangkan sahaja kepada alim ulama memberi fatwanya.

Ini sesuatu perkara yang mendukacitakan.

Edrus